


# سکِ مِتراں دی

نعتیہ کلام

مترب

احسان اعوان طبعی



بِسْمِ اللّٰهِ الرَّحْمٰنِ الرَّحِیْمِ

# سِکِ مِترالِ دِی

مُرتَب:

اِحْسَانُ اِعْوَانُ


( 0345-8711418 )



# جھوک پبلشرز

ملتان

اہتمام اشاعت: ظہور احمد دھریگجہ  
ترتیب و تزئین: احسان احمد اعوان



سبھے حق ہتھیکرے

نال کتاب — سبک مہتراں دی

ناشر — جھوک پبلشرز ملتان

تاریخ اشاعت — ستمبر 2004ء

چھاپہ خانہ — جھوک پرنٹرز ملتان

موکھا — 30 روپے

اشاعت مکر ..... 2016ء

انتساب

سئیں محمد سعید احمد شیخ

ڈپٹی ڈائریکٹر پی آئی ڈی ملتان

دے ناں!

جہاں انگریزی اردو تے سرائیکی کتاباں دے ناں نال

”جہان فرید“ عظیم کتاب

لکھتے اسا کوں عشق رسول دے

دگ داسونہاں کیتے۔

احسان اعوان



ہر عابد بعد عبادت دے پڑھ حمد درود دعا منگدے  
 کئی منگدے رزق تال رازق توں کئی بن بیمار شفا منگدے  
 ہر کئی ہے منگد اکہ در توں کئی کیا منگدے کئی کیا منگدے  
 منگ اشتر توں وی اول در توں جیں دردی خیر خدا منگدے  
 (رشید اشتر)

حضرت خواجہ غلام فریدؒ

اتمھاں میں مٹھڑی نت جان بلب  
 اوتھاں خوش و سدا وچ ملک عرب  
 ہر ویلے یار دی تانگ لگی سُنھے سینے سبک دی سانگ لگی  
 ڈکھی دلڑی دے ہتھ تانگ لگی  
 تھنے بل بل سول سمولے سب  
 تھی تھی جو گن چودھار پھراں ہند بندھ پنجاب تے مار پھراں  
 سُنچ بارتے شہر بزار پھراں  
 مٹاں یار ملیم کہیں سانگ سب

توڑے دھکڑے دھوڑے کھانڈری آں تیڈے نام توں مفت و کاندڑی آں

تیڈے بانڈیاں دی میں بانڈری آں!

تیڈے دردے کتیاں نال ادب

واہ سوہنا ڈھولن یاد سجن واہ سانول ہوت حجاز وطن

آ ڈیکھ نسرید دا بیت حزن

ہم روز ازل دی تانگ، طلب

حضرت پیر مہر علی شاہ ر

اج سک متراں دی ودھیری اے کیوں دلڑی اداس گھنیری اے

لوں لوں وچ شوق چنگیری اے اج نیناں لایاں کیوں جھڑیاں

مکھ چندر بدر شمعثانی اے

متھے چمکے لاٹ لورانی اے

کالی زلف تے اکھ مستانی اے

مخسور اکھیں ہن مدھ بھڑیاں

ڈوں ابرو تو کس مثال ڈسن  
 جیں تھیں نوک مڑہ دے تیر چھٹن  
 لبیاں سرخ آکھاں کہ لعل مین  
 چٹے ڈند موتی دیاں ہن لٹریاں !  
 ایں صورت کوں میں جان آکھاں  
 جانان کہ جان بہان آکھاں  
 پچ آکھاں تے رب دی شان آکھاں  
 جیں شان توں شانیں سب بنیاں  
 انہاں سکدیاں تے کولاندیاں تے  
 لکھ واری صدقے جانڈیاں تے  
 انہاں بردیاں مُفت وکانڈیاں تے  
 شالادت آون اوہے گھٹریاں  
 اچ سک بہراں دی ودھیری اے



سُبْحَانَ اللَّهِ مَا أَجْمَلَك  
 مَا أَحْسَنَكَ مَا أَكْمَلَك  
 کتھ مہر علی کتھ تیڈی ثنا  
 گستاخ اکھیں کہتاں جاڑیاں

حضرت خواجہ محمد یار فریدی

تیڈا کٹھڑا ڈٹھیں مٹھا مدنی ٹوہن!  
 سبک لہندی نہیں دل رچدی نہیں

اساں خاص قدیمی بردے ہوں  
 اساں نوکر تیڈے در دے ہوں  
 اساں کٹھڑے تیخ نظر دے ہوں  
 ہے گال پُرانی اُج دی نہیں  
 توٹنے لکھ لکھ ٹال مٹال کرو  
 نہ لطف کرم دی مہال کرو

کر خاک مٹی پامال کرو  
دل حلقہ بگوش اے بھدی نہیں

میں کو جھی تے بد عملی ہاں !

بے کاری تے بے سہلی ہاں

لج تیڈی ہاں توٹے کھلی ہاں

کیا پاس تسا کوں لج دی نہیں

جو در تیڈے مر خاک تھئی !

ہر عیب کنوں ورنج پاک تھئی

ہر آن سدا غم ناک تھئی

ہم غم دی رہی دھج وچ دی نہیں

جو سرد وانگوں آزاد ہوئی

صدیق ہوئی دلشاد ہوئی !

وچ ملک سچے آباد ہوئی !

ہن کوڑ فریب تے تچ دی نہیں

پیر حاجی شاہ فائقؒ کچی محمد خان

مہٹل منٹار مدنی دی حقیقت حال کیا پچھدیں!  
 جیویں مخلوق وچ رہندے اوں رب نال کیا پچھدیں  
 ایندی گفتار قال اللہ ایندا دیدار وجہہ اللہ  
 توٹے سڈویندے عبداللہ  
 ایندے ڈھنگ چال کیا پچھدیں  
 شکل بشری دا ہس اولاً! جیویں قرآن تے چولا  
 متاں اکھ وچ پوی پھولا  
 پٹا پٹروال کیا پچھدیں  
 حدائی سب ایندے کرمیندے کم خدا والے  
 رنگیندن جستی تے کالے  
 ایندے جتوال کیا پچھدیں!

بشر سڈویں نہ سٹر جلدی رکھیندے چال اٹکل دی

امثال سوہنا نہیں بکدی

عقل دی داں کیا پچھدی

جینا مداح ہووے خالق ثنا کیا کرے گے فائق!

میں اپنی ہستی دے لائق

وہاں گھڑیاں کیا پچھدی

نور محمد صابر مبارک پوری

عربی آئیٹم ساڈڑے سانگے مدنی آئیٹم ساڈڑے سانگے

صدقے میں صدقے تھیواں

درد تہاڈا سینے نہ ماوے ہاچھ تہاڈے کون زہاوے

پئے گن پیچ اڑانگے

صدقے میں صدقے تھیواں

حسن تیبے دیاڈھاں پیاں ڈکھیاں اکھیاں سکدیاں رہیاں

قسمت پٹھری دے بھانگے  
 صدقے میں صدقے مٹیواں  
 قبر اکیلی نہیں کوئی ساتھی    حسن دامتہ پاویں جھاتی  
 قبر دے پندہ اڑانگے  
 صدقے میں صدقے مٹیواں  
 تانگے تنگھیزیں تن من گل گے    جاہیں وچھیزیں بون ڈھل گے  
 موت بڑنی آسے بانگے  
 صدقے میں صدقے مٹیواں  
 صابر جمہیں عشق ورا دھا    نہیں اچکل دا ہے چھپڑیں لا دا  
 لگہر طم تیدڑے دانگے  
 صدقے میں صدقے مٹیواں!  
 عربی آیم ساڈڑے سانگے



## قاضی محمد حنیف قاسم

دل جدائی سہندی نہیں درتے سڈانہ دیر کر  
 میڈے حال تے کچھ کر کر م روضہ ڈکھانہ دیر کر  
 بے عمل ہاں بے سمل ہک تیڈے دم داماٹ ہم !  
 کشتی بحر عصیاں دیوچ آکندھی لانہ دیر کر  
 راہ مدینے داتکاں سنیہے پھینڈاں وادے ہتھ  
 آسچن ہم باقی ساہ مکھڑا ڈکھانہ دیر کر  
 جے سڈیں دراپنے تے ڈس تیں کنوں پچھتاہے کس  
 مالک کونین ہیں چالی چسانہ دیر کر !  
 کوچھڑا ان بھاوٹنا تیں نہ سنبھالیارل ویساں  
 صدقہ سنیاں حسنین داہن گل چالانہ دیر کر  
 عالم برزخ دیوچ میں تے جے کوئی آہنی  
 قاسم ہے ضامن مصطفیٰ و نوح و نوح چتانہ دیر کر !

مولوی محمد عبد اللہ گلشن مرحوم

سب درد دل دے بیٹیدے محمدؐ  
 گل اپٹیاں پرایاں کول لیندے محمدؐ  
 مشکل دیوچ کوئی سڈے مصطفیٰ کول  
 لکھاں مشکلاں حل کریندے محمدؐ !  
 پنٹائی تاں پن گھن محمدؐ دے درتوں  
 ڈیندا خدا ہے دندیندے محمدؐ  
 محمدؐ دافنرمان، فیرمان رب دا  
 خدا دے سوانہ الیندے محمدؐ  
 ایجھی شان والا نہ آیانہ آسی !  
 گدا کول شہنشاہ بنیندے محمدؐ  
 گلشن ایندی مدح خوانی پڑھی کر  
 قبر وچ تشریح چھڑیندے محمدؐ

## غلام محمد لسوز نور پوری سے ،

میڈے مولا ڈکھڑے ٹال صدقہ مدنی دا  
میڈوں کر ڈے نیک خصال صدقہ مدنی دا

تیڈی برتر شان نرالی ہے تیڈی ذات تاں رحمت والی ہے

ڈے فیض دا پر کر مقال صدقہ مدنی دا

میڈوں سک ہے پاک مدینے دی . اول سوٹے ملک نگینے دی

میڈوں روضہ پاک ڈکھال صدقہ مدنی دا

جڈاں قبر دی کالی رات ہووے سامھیں پاک حضور دی ذات ہووے

نہ پچھن نکیر سوال صدقہ مدنی دا

جڈاں میڈا وقت اخیر ہووے سامھیں مدنی دی تصویر ہووے

نہ مقبوعے ڈنگر اوال صدقہ مدنی دا

میڈے مولا معاف قصور کرو دلسوز دے ڈکھڑے دور کرو

میڈی بگڑی آپ سنبھال صدقہ مدنی دا



## سید بسمل شاہ . مرحوم

محمد مصطفیٰ والیں کون گہراون دی کیا لوڑاے  
 امت ہسیدی جنت ہسیدی تے غم کھاون دی کیا لوڑاے  
 فراق مصطفیٰ دیوچ بھڑے جو بنیر و ہندے ہن  
 اے موتی بے بہا ہونڈن تے مل پاون دی کیا لوڑاے  
 چمن بوسنیں داناں شرک پچھورب کولوں پچھو سگدو  
 جوڑا عرشاں تے مدنی داتے چھواون دی کیا لوڑاے  
 محمد رکھ تے سر سجدے الایا ہا سبحان اللہ  
 جیکر بخشیں نہ امت تول تے سر چاؤن دی کیا لوڑاے  
 محب دا جووی ترکہ ہے اوذا محبوب مالک ہے  
 میڈا محبوب میں کولوں اے اکھواون دی کیا لوڑاے  
 محمد دیاں شنائیں سن بھڑے بسمل چاؤٹ پینڈن!  
 انہاں کول و عظم ساڈے تے بھلاؤن دی کیا لوڑاے

## حافظ بنی بخش سے غافل مرحوم

غریباں دے ویہڑے وسا یا محمدؐ  
 میڈے دل دیاں آساں پچھا یا محمدؐ  
 تھیواں صدقے میں توں سوہٹا کسلی والا  
 تیڈا شان افضل ہے سب توں نرالا !  
 میگوں اپنا رونہ ڈکھا یا محمدؐ  
 توں لچپال ہر دیاں سیں لاچاں پلیندیں  
 جیندا کوئی نہ ہووے توں گل نال لیندیں  
 ستے مہاگب میڈے جگایا محمدؐ  
 عمر اگذر گئی سیں کھپیں تے روندیں  
 ڈسا کن تے ونچاں میں سیں تیڈے ہونڈیں  
 میڈے سین روندے رھا ، یا محمدؐ  
 میڈے دل دیاں آساں پچھا ، یا محمدؐ

ڈکھاوو چاہک وار رومنہ پیارا  
 چمک پووے سیں میڈی قسمت داتارا  
 کراں چندری میں توں فدایا محمد  
 میں غافل کوں ہر دم تیڈی تانگھ رہندی  
 اے دلڑی بنائی ڈکھاں توں نشیں وانڈی  
 تیڈے در توں بلدی شفا یا محمد

حافظ رسول بخشے حافظ

صدقے صدقے میں تھیواں یا رحمت اللعالمین  
 قسم خدا، اے دلربا تیڈی مثل کوئی نہیں  
 قبضے دیوچ کائنات ہے شاہی دی ہس کیا بائیسے  
 خادم تیڈا رب جوڑ یا سدرہ نشیں، روح الا میں!  
 جیں تے چاکیتی دید ہے تھئی عاشقان دی عید ہے  
 اکھ سانولا، من بھانولا، سوہنا نبی ماہ جہیں

محشر والے میدان وچ عملوں والے میزان وچ  
 نہ میں کلھا روٹواں کھڑا تجرباں میڈیاں خود آہیں  
 صدقہ سیں نور العین دا پیارے حسن شہتے حسین شہتے  
 پھیرا چا پا ڈکھڑے وچ آساں امیڈاں بہوں بہیں  
 حافظ تو نے بدکار ہے تیدا تاں سیں جبار ہے  
 ہن نہ روا ، مکھڑا ڈکھا سوہنا شفیع المذنبین!

مولانا نور محمد کہتر مرحوم

نہیں بلدا محض خدا پہلے  
 در مدنی یار دے آپہلے  
 ہتھیندا کیا ہی جوتن ماریں احمد کرنیدیں عمر گزاریں  
 احمد دا ورد پکا پہلے  
 جیکر چاہیں شاہی امیری سٹ دولت تے پکر فقیری  
 مفلس بن ڈکھلا پہلے

جیوں جیوں غیروں خالی تھیں تیوں تیوں ملک دا والی تھیں

پنن دا بسکھ گھن ڈا پہلے

کل خزانے رب اکبر دے رب ڈتے بن ہتھ سرور دے

پیانہ در کھڑ کا پہلے

کہتر جیں ڈنہ بخت بھڑی سرب سوہنا چا سڈولسی

ڈیسوں در دستا پہلے

حاجی محمد نواز عصیم مرحوم

محمد محمد پکینا ریہا کر

ستے بھاگ اپنے جگینا ریہا کر

توں ڈینھ رات ورد نبی کر مسلسل

ایویں دل دی نگرہی وسینا ریہا کر

توں لکھ لکھ تے نعتاں نبی سن دیا ہر دم

تے پڑھ پڑھ کے فقالت سنینا ریہا کر

ولی تے نبی ایویں آہیں گذر گئے  
 غلامی نبی دی کریندا رہیا کر  
 بنال عشق احمد دے حاصل نہیں کجھ  
 توں نام محمد چنیدا رہیا کر  
 ملی بھیک سوہنے محمد دے در توں  
 عصیم توں نعتاں سنیدا رہیا کر

### طالب ڈیر دی

در در نہ زل دلہی اجائی  
 مدنی دے در زہ سر جھکائی  
 این پاک در کوں چھوڑنہ راہ حق دا ہی منہ موڑنہ  
 دوزخ اندر گھر جوڑنہ  
 من مت میڈی سُخڑی تہجائی  
 ہے بے مثل ایندا کرم ! ڈکھڑے تھسین سارے ختم

لچپال ہے شاہِ اُمم !  
 آساں نہ بہن مھنسی چنگائی  
 سخیاں دا شاہ ہے بختور چھوڑیں نہ توں ایں سیں دادر  
 جیں ڈینھ کر لسی ہک نظر  
 ویسی سبھ مونجھاں مکائی  
 ہک آس رکھ دل دے اندر ڈیکھوں مدینے دا شہر  
 ونج کے رکھوں چوکھٹ تے سر  
 قسمت جیکر ایں موت آئی  
 طالب توں سیں دی زہ ونجیں در ایندے تے بس بہہ ونجیں  
 کئی آوے ڈکھتاں سہہ ونجیں  
 قسمت تیڈی مھنسی سوانی  
 در در نہ رل دلڑی اجائی



## نور محمد سائل . ڈیرہ غازیخان

سن مہم محمد مدنی سین ڈکھ درد اے من مجذوبیاں دا  
 تیڈی بھال بناں لچپال سد ابرا حال ہے تن مضروبیاں دا  
 تیڈے حسن دا منظر کل جہاں کیا ہفت سما کیا کون و مکاں  
 کیا قلم لکھے کیا پو لے زباں  
 توں مرکز ساریاں خوبیاں دا  
 تیڈے خلق تے مٹھرا ملک موہن تھئے بردے درد لبر دے ان  
 یک سچن نہیں گئے دشمن من  
 واہ شان خوش اسلوبیاں دا  
 توں عرشی عرش دے ڈادا ہیں توں منبج حسن ادا دا ہیں  
 توں مالک ملک وفا دا ہیں  
 تیڈے سر سہرا محبوبیاں دا  
 کیتو نعل بلاں تے بھال کریم غم مکیا تے مکے سول ستم



ہوئے بقرہ ہر دے دور ختم  
 بھلیا ذکر کسب جو مرثوبیاں دا  
 ہووے سائل تے وی لطف عطا وایتھیوے گوشہ چشم ذرا  
 کر سہرا فرزندے شاہ ہدی  
 ڈکھ و سرونے مغلوبیاں دا

### جانبا ز جتونی مرہوم

وسیلہ بنا گھن سئیں خیر البشر ہے  
 نبی پاک راضی تاں کیا خوف ڈر ہے  
 محمد مہرباں تاں ڈکھ دور سمجھیں قبر کالی کوٹھی کول پر نور سمجھیں  
 محمد پنجیسی اول پور سمجھیں  
 چاڈیسی راہ رستہ اے تونی بکر ہے  
 نہ گل گال جندری سبوں ہار پونڈی نہ ضایو عمر کرتوں کھپدیں تے روندیں  
 ولاول نہ آکھیں محمد دے ہونڈیں

سمل ہے نہ سومنہ ہے سفر پر خطر ہے

بے عمل بے سمل نہ مہتی مومجھاماندا

اکھیں نوٹ جھاگیں توں دریاغماں دا

ڈکھا ڈیکھ نہ سہسی وارث جہاں دا

اے مشکل دے ویلے آئیندا خبر ہے

سفر والے خطرے توں سارے ونچا چا

قدم اپنی منزل ڈو راہی ودھا چا

مٹھے مہیم مدنی دے نال کوں پکا چا!

مہا بے نبی دے ویسی مک سفر ہے

تیکوں شیت اچ تیں کہیں نہیں ڈسایا

خدا پاک جانباڑ ایویں الایا!

نہ بے آس مہیویں توں آدم دا چایا

توں لا تفتنوتے رکھیں نت نظر ہے

## فیض محمد دلچسپ مرحوم

از لوں ہے دل دیوانی درتے سڈاوو عربیؑ  
 سکدیں ختم نہ تھیواں روضہ ڈکھاوو عربیؑ  
 اللہ داتوں ہیں پیارا کونین دا سہارا  
 بے آس میں رھاں نہ قسمت دا ڈے چا وارا  
 اپنے بیگانے تھی گن اپنا بناوو عربیؑ  
 تیڈا مہٹا مدینہ رحمت دا ہے خرنینہ  
 قدسی آسرخجکیندے ہے عرش دا اوزینہ  
 ہاں میں وی سین دے ناویں دامن چالوو عربیؑ  
 دم دم کراں پکاراں ! کلھیں کیویں گزاراں!  
 ڈوجگ دا ہیں دلارا دل توں کیویں وساراں  
 ہکوار آتے میڈا آنگن سہاوو عربیؑ  
 سکدیں ختم نہ تھیواں روضہ ڈکھاوو عربیؑ

کے تئیں مہلا سکیسو ! مونجھاں کڈاں مٹیسو !  
 سونے دا سجھ ابھرسی جیں ڈینھ مہٹا سڈیسو  
 زل تے مراں تہ روزیں گل لارہا ووسرئی

احمد خان طارق - شاہ صدر دین

لطافت کیا مدینے دی، رجھاوت کیا مدینے دی !  
 خدا سئیں دی اوہا منشا جو ہے منشا مدینے دی  
 مٹھے منٹھار مدتی دا مٹھا شہر، مٹھی بولی !  
 خدا چا وے ایندیاں قسماں زباں ورتا مدینے دی  
 نہ گورا تے نہ کوئی کالا نہ اپنا نہ بیگانہ کوئی  
 تے ہر کہیں لو پکو جہیں اے ورتا مدینے دی  
 اوڈوں احد، ایڈوں احمد، ملک دربان سا بنجھے ہن  
 کڈی ڈاکر، کڈی لہج کڈی چھٹکا مدینے دی  
 خدا سئیں دی اوہا منشا جو ہے منشا مدینے دی !

ہو اورا ہی مدینے دی انگل لئی چل دیوانے کوں !  
میں طارق رچ لوا گھنساں ہوا مدوا مدینے دی

### اُمید ملانی

سنوار وچا میں بیکس دامقدر یارسول اللہؐ  
جو ہواں میں وی بختاں داسکندریارسول اللہؐ  
اے منظر مسجد اقصیٰ دا ڈھٹا ہی زمانے نے  
تیڈے ہن مقتدی سارے پمیر یارسول اللہؐ  
صحیفہ تیڈی مدحت دا کڈا ہیں وی مک نہیں سگدا  
تو نے لکھاں لکھیندے رہے سختور یارسول اللہؐ  
ایہوتاں اسم اعظم ہے نظر والو ذرا ڈیکھو  
پکاراں کیوں نہ ہر جاہ تے میں بے زریارسول اللہؐ  
سہارا میڈا ڈوجک وچ شفیع المذنبین توں ہیں  
میکوں ول یوم محشر دا کیہاں ڈریارسول اللہؐ

ایہا امید ہے میکوں مدینے پاک سڈ ویسوا!  
بھرے جگ وچ وی ہاں بھاویں میں بے پر یار سول اللہ

### قیسے فریدی - خانپور

تیڈا ذکر آقا میڈی بندگی ہے  
تیڈا عم میڈی زندگی دی خوشی ہے  
مدینے سڈا پاک روضہ ڈکھا سیں  
اتھاں میڈے آقا ڈکھی زندگی ہے  
گناہ گار بخشش دے حقدار ہونڈن  
تہوں تاں اساڈی وی پرودہ گئی ہے  
سکے کھیت ایمان دے مہتی گئے ساوے  
جہتاں نور تیڈے دی بدلی وٹھی ہے!  
میں صدقے ایہو جے کرم توں حشر وچ  
خود عاصی کوں رحمت گلیندی ودی ہے

میڈے چارے طرفوں نریاں رحمتاں بہن  
عجب موڑتے قیس بخش تھی ہے

### سفیر لائٹ

سرکار مدینے والے تے صلوات بھینڈیں ہاں مٹھردے  
ہتھ آوے نام محمدؐ دا چم اکھیاں لینڈیں ہاں مٹھردے  
ایں ناں وچ لکھ لکھ برکت ہے  
اے نام تاں منج رحمت سے  
جیں ذکر دا ذکر رب ہووے  
اوہو ذکر کرینڈیں ہاں مٹھردے  
بو بکرؓ، عمرؓ، عثمانؓ، علیؓ  
پیانوٹ قطب ابدال ولی!  
سب نام محمدؐ چمڈے آئے  
اے نام چھینڈیں ہاں مٹھردے

این نام داستان ڈسایا ہے  
 شبیر نے ساتھ کو ہایا ہے  
 ہے فدیہ نام محمد دا  
 تن تیر جھلیندی ہاں مٹردے  
 جیڑھا آہدے احمد خاکی ہے  
 اوندے دل تے آئی تاکی ہے  
 او نور سٹیندی سٹردا ہے  
 ساڈا نور سٹیندی ہاں مٹردے  
 کئی رہن دن مست عبادت وچ!  
 کئی پاؤن چین ریاضت وچ  
 ہیں مدحت خوان سفیر اسال  
 ساڈا نعت اکھیندی ہاں مٹردے





## عزیز شاہد - ڈیرہ غازیخان

رنگیں تے نور دا ہے سمندر تیڈی گلی  
 عرشِ عالی دے ہو بہو منظر تیڈی گلی  
 صدیق صدق تیڈا عدالتِ عمر تیڈی  
 قرنیٰ کرن لکھی ہوئی بو ذر نظر تیڈی  
 حسنین تیڈے مین تے حیدر تیڈی گلی  
 زینت ہے تیڈی ذات زمین و زمان دی  
 ودھ ایں توں کیا حقیقت کون و مکان دی  
 پاہر تیڈا مدینہ تے اندر تیڈی گلی  
 صبح ازل توں شام ابد توئی فاصلے  
 تیڈی گلی توں تیڈی گلی تیں دے سلسلے  
 تیڈے خرام ناز توں عنبر تیڈی گلی!  
 عرشِ عالی دے ہو بہو منظر تیڈی گلی

شاید وی آپ ہیں میڈا مشہود وی ہیں توں  
 میڈا عدم وی توں میڈا موجود وی ہیں توں  
 دل وی تیڈی گلی، میڈا دلبر تیڈی گلی

### شاگرد شجاع آبادی سے

جہان دنیا دی سوچ بعد سوچ خدا دا پہلا خیال توں ہیں  
 کمال قدرت دی ہن کر وڑاں وجود قدرت کمال توں ہیں  
 توں بادشاہاں دا بادشاہ ہیں سبھے شہنشاہ رعایا تیڈی  
 تیڈا شہنشاہ ہے ہک شہنشاہ تے اوندا جاہ و جلال توں ہیں  
 ابھردے بہر اضر رہندے عروج کوں ہے زوال لازم  
 کڈا ہن نہ جیکوں زوال آوے عروج اول زوال توں ہیں  
 حسین نظامے تے چندرتاے خدا نے تیڈی ہے ویل گھولی  
 ہے حسن یوسف کٹاواں تیڈا سراپا حسن و جمال توں ہیں  
 کمال قدرت تاں ہن کر وڑاں وجود قدرت کمال توں ہیں

او عکس جلو سے داکر گیا ہا ، کلیم بے ہوش طور کو لے  
 ہوتیوں ڈیکھاں تاں سینہ مٹھرے خدا ایجا کمال توں ہیں  
 زمانہ پنڈا ہے تیڈے در توں سوالی شاکر وی بن کے آنے سیں  
 زمانے دا ہے سوال جنت حضورؐ میڈا سوال توں ہیں

مصطفیٰ خادم تونسہ شریف

گذر دا وقت اول درتے گذر اوقات پنڈا ہے  
 جتھاں ڈیکھ رات پنڈی ہے جتھاں ڈیکھ رات پنڈا ہے  
 جینا مسکن مدینہ ہے وطن مومن دا سینہ ہے  
 میڈے سینے دا شاعر اول کنوں نت نعت پنڈا ہے  
 چمکدے چندر کول چاندی جیندیں زلفیں توں ملدی ہے  
 ابھر دے سچھ دا سونا جیں کنوں پر بھات پنڈا ہے  
 خدادی بھونیں جیندے سجدے سنبھالے ہوئیں سینے وچ  
 خدادا عرش پہلا پیر پیندی جھات پنڈا ہے !

اوندا درتاں اوندا در ہے اوندا درے دربان دے درتوں  
 ازل توں ہر زمانے دا سخی خیرات پندا ہے  
 تکلف برطرف خادم، غلام مصطفیٰؐ کو لوں  
 خرد خاموشیاں پنڈے جنوں جذبات پندا ہے

### امامیہ الٰہیہ - خاںپور

ایندے خلق دی کوئی مثال نی تے گذر سبر دا جواب نی  
 جتھاں حاتمیں ہے صدا ڈتی اوں سخی دے در دا جواب نی  
 ہے علیؑ ایندا بھاون فاطمہؑ بھاون ہے حسنؑ یا حسینؑ ہے  
 ایندے گھر وچوں کیندا ناں گھنا ایندے گھر دے گھر دا جواب نی  
 جیڑھا لوح اپنے ہتھیں لکھے جنیدے ہتھ خدا دا قلم ہووے  
 ایجھے اختیار دے بعد وی اوندی چشم تر دا جواب نی!  
 ایندا جبرائیلؑ غلام ہے اے نبیؐ کل دا امام ہے  
 جے ہے نور نور ہے بے مثل ہے بشر بشر دا جواب نی

جنید سے قول دین دیاں سرخیاں جنید سے فعل ورج کئی حکمتاں  
 اے جیل جہان و فلسفہ اوندی یک سطر دا جواب نی  
 جے جھکے تاں دھرتی تے پھل کھلن جے اٹھ سارے چمک لوں  
 میڈے مہربان دی ارشدا اول نظر مہر دا جواب نی

نجیب اللہ ناز شریح - جند و پیر کمال

توں اعلیٰ ہیں سب توں خدا نے ڈسایا  
 ہے قرآن تیدا گواہ بن تے آیا  
 بہرے تیڈیں زلفیں کول آہے بدل ہن  
 خدای قسم اووڈے کم عفتل ہن!  
 او بادل تاں پھرس دا سینہ ہن وسیندے  
 تیڈیاں زلفاں رحمت دا سینہ ہے وسایا  
 میں آکھاں جے رخ تیڈا چوڈی دا چن ہے  
 تاں رب دی قسم اے وی میں نال زن ہے

اول چن کوں زوال، گرہن پیندا چال،  
 تے تیکوں خدا بے مثل ہے بٹایا  
 جے آکھاں تیڈی لور، موران دے وانگوں  
 تاں محشر کوں اٹھساں میں چوراں دے وانگوں  
 اتھاں سنج ہی سنج ہے جتھاں مور ٹردے  
 بہتساں بنیاں تیں جتھاں سپر پایا  
 جے آکھاں تیڈے نین جام، ہن شرابی  
 تاں اے وی ہے میڈے عقل دی خرابی  
 جے پوراں شراباں عقل بھیندا گم ہے  
 تیڈے تیناں ہے گم عقل کوں ولایا  
 جہڑے تیڈیاں کہیں ناں تشیحاں ڈیندے  
 تاں نازش او تیکوں دلوں نہیں منیندے  
 کیا آکھاں بشر ہیں توں خود نور گرہن!

خدا دا مخسر ہیں ، نبیاں دامایا  
ہے قرآن تیا بڑا گواہ بن تے آیا

### شکیلا تہانی سے کوٹ سھن

جگارے خواب وچ رکھ تے کراں دیدار مدنی<sup>۱</sup> دا  
میڈا مولا بڈکھار ورنہ مٹھے منہٹار مدنی<sup>۲</sup> دا  
میڈی جھولی دیوچ ہے پورھیا سکھنے گناہیں دا  
فقط بے آس کول ہے آسرا غم خوار مدنی<sup>۳</sup> دا  
میڈے سینے دیوچ پئی سہکدی ہے سہک مدینے دی  
کراں لکھ وار ترلے ، در ڈے بہک وار مدنی<sup>۴</sup> دا  
میڈے سھتیں دیوچ ہے کاسہ اول دردی فقیری دا  
میچاکوں میں کیا چاٹناں میں ہاں بیسار مدنی<sup>۵</sup> دا  
میڈیں اکھیں دیوچ بہن جاگدے ہوئے خواب منزل دے  
میڈے دل دے اندھارے وچ پیاپلدے پیار مدنی<sup>۶</sup> دا

عطا کر سو بھڑکیوں وی خدا یا لغت گوئی دی !  
 ثنا خواں مٹی پوواں میں وی سوہنے سہرکار مدنی دا

پر دفریہ سلیم احسن - میانوالی

سوہنے نبی دی شان خداد اکمال ہے  
 کیس کوں ہے دعویٰ نال داکیندی مجال ہے  
 عظمت تیبی ہے ڈوہاں جہاناں دے واسطے  
 اتھاں کوئی مثال نہ اتھاں مثال ہے  
 مکھ نور ہونٹھ لال تے والیل زلف ہے  
 تیبی احسن تال رب دائرہ الانخیال ہے !  
 بہول اوپرا سرور تے نشہ ہے پیار دا  
 قربان ہے اولیں تے صدقے بلال ہے  
 احسن کوں سوہنا تیبی شفاعت دی ٹیکے  
 دل وچ جہرا سزا دا نہ کوئی خیال ہے



## انجم لائشاری مرحوم

محمد مصطفیٰ والے پڑھو صلے علی ہر دم  
 ایندی یاری خدانا لے پڑھو صلے علی ہر دم  
 حبیب کبریا سوہنا، امام انبیا سوہنا  
 گناہگاروں دا لچپال اے پڑھو صلے علی ہر دم  
 جہاں معراج تے ویند بہشتاں دی سنگر پونڈ  
 لگن دوزخ دے درتالے پڑھو صلے علی ہر دم  
 ایندا کلمہ پڑھن پتھر شجروی بہر نوا ڈیون  
 اشارہ چند رکوں ڈالے پڑھو صلے علی ہر دم  
 اے انجم با ادب اہدے تسال ساروی رل آکھو  
 نبی سین سب دے غم ٹالے پڑھو صلے علی ہر دم  
 محمد مصطفیٰ والے پڑھو صلے علی ہر دم

## الوزشاه الوزر - میانوالی

لغت گوئی دافن اتنا سوکھاتاں نہیں!  
 بخت والاں کوں ملدا ہے اے دوستو  
 اُس دی مرضی ہے جیں تے کرم چاکرے  
 فیصلہ اُسدے دل دا ہے اے دوستو

بہڑے ڈیخ دی محبت مدینے دی میں  
 اپنے دل وچ وسائی ہے اُس روز دا  
 جتنے تیں خواب وچ نہ مدینہ ڈیکھاں  
 اتنے تیں دل نہ ولدا ہے اے دوستو  
 تہاں اکھیاں دیوچ عشق پالی رکھو  
 دل کوں یاد نبیؐ نال پالی رکھو!  
 اے زمانہ محبت دے پرواناں تے  
 کھلدا رہی تے کھلدا ہے اے دوستو

## صوفی خلیل احمد خلیل

حضورِ الٰہی، حضورِ الٰہی  
 سدا و درتے نہ رولو در در  
 میں بنت مدینے دے دل تکیندی  
 تے بیرنت ہجر و حج وہیندی  
 میں سارا ڈینہ تانگھاں و تح نبھیندی  
 تے راتاں کوکاں تے دھاڑاں کر کر  
 میں روواں کوکاں شب دارینہ  
 اے ہک ہے ڈیکھاں مکہ مدینہ  
 او نگرہی تک تک میں ٹھاراں سینہ  
 چتھاں نبیاں دا وسدے سرور  
 میں پاک طیبہ دیاں گلیاں گھمساں  
 جڈاں میں سمسماں مٹی تے سمسماں!

میں کیوں آگھاں جو چالی چھسّاں!  
 میں منہ مکالی تے چالی اظہر  
 خلیل درداں دی ہے کہانی  
 سنّیاں روفے تے آکے جانی  
 کر لیاں سوہنے دی نعت خوانی  
 سڈا و و ہک وار سوہنا دلبر

ناظم صابری۔ رحیم یار خان

ذات تیڈی ہے پر نور محمد  
 توں محبوب غفور محمد  
 صدق حسن حسین شاہ  
 کر ڈکھڑے سب دور محمد  
 رخ توں مہم واگھنڈ لہاتے  
 دل کر ڈیو مسرور محمد

اپنی خُب دا جام پلاتے!  
کمر ڈیوو مخمور محمدؐ

میڈے حال تے کرم کساو  
عرض تھیوے منظور محمدؐ

نقوی احمد پوریؒ

میووں خود کوں وی خبر کائی جو کیا منگدا کھڑاں  
ہونٹ تیں چلدے میڈے کجھی دُعا منگدا کھڑاں  
کردا بھردا وینداں بھتی کتدہ دے وانگن حنفورؒ  
بے سہارا ہاں تساڈا آسرا منگدا کھڑاں!  
سو پٹے تے خوشبو والے والے پھل جھاں ہن ٹہکدے  
اول چمن لوتں رب دی رحمت دی صبا منگدا کھڑاں  
ڈکھ دی کالی رات وچ تھیوے کرم دی ہک نظر  
میں تساڈی ہک مسک داسو جھلا منگدا کھڑاں

اے میڈے رشک میجا ، سپڈا زخمی ہے بدن  
 میں گناہاں والے زخماں دی دوا منگدا کھڑاں  
 میڈے لچ پروردے ہتھ وچ میڈی نقوی لاج ہے  
 خاتمہ بالخیر مٹیوے ، اے دغا منگدا کھڑاں!

سید عنصر بخاری مہرے والا

جبریل و نوح محبوب ڈو جلدی جگا سنے گھن تے آ  
 شہباز بن پرواز داپک پل نہ لائے گھن تے آ  
 گذرے نہ پل پل وچ تول ول اچ اچ رہے مٹیوے نہ کل  
 کل کول سٹا کھی ہکل کل وچ رہے کل دی شکل  
 آرام وچ نہ پاخلل ! و نوح این جگا مدنی مہطل  
 نوری دہن پیریں تے مل محبوب دی تہہ ہیرا کر حق ادا  
 سنے گھن تے آ

نپ وقت دی جبریل رگ ہر شے تول اچ تھی و نوح الگ

آج وقت دے نیڑے نہ لگ  
 بالکل جتھوں ڈیکھے نہ جگ  
 اقصدی دیوچ عظمت دی پگ  
 گھن کے مٹھل آویں اودگ  
 کہیں دی نظر ونچے نہ لگ  
 گل انبیاء دے سامنے سین کوں پوا  
 ہنٹے گھن تے آ

جگ وچ بشر مشہور ہے  
 منکر ایندا بے نور ہے  
 ایندا جہڑا دستور ہے!  
 ہر رنگ دیوچ منظور ہے  
 میں نور ہاں اے نور ہے!  
 سمجھن توں وی پہوں دور ہے  
 میڈا اوہو منشور ہے  
 عنصر میگوں مجبور، دی ہر کرفا  
 ہنٹے گھن تے آ

حیدر بزدار - چوٹی زیریں

عرضی ڈتی سرکار کوں

روضہ ڈکھانا دار کوں!

خوشیاں توں کھل پڑساں ودی  
 بن کے پکھی اڈساں ودی!

چمساں ودی ہروار کوں  
 اکھ توں بہجوں ڈک ڈیکھساں  
 لا دید تک تک ڈیکھساں!  
 کڈی در کڈی در پار کوں  
 مناں منیاں ڈیساں ودی  
 سر لاتے سٹویساں ودی  
 میں اپنے عنم، غمخوار کوں!  
 مونجھاں مرن چوڑھا مرے  
 مدتیں توں ہک پاسے کرے  
 حمیدر بہجوں دے ہار کوں

عبدالخالق سرمدا - اچشریف

محمد کوں بخشیا خدا او مقام اے  
 جو ساری خدائی دا ہیند ہتھ نظام اے



میں اول شائیں والے داکیا شان ڈساں  
 خدا جیں تے بھیجے درود و سلام اے  
 جنیدی سُب دیوچ ہے گرفتار دُنیا  
 جنیدے دُر داجبریل ہووے غلام اے  
 محمد ہے لاریب نور الہی!  
 اے بیشک ہے کل انبیاء امام اے

بہڑا ڈوں جہاں دل ہے ہادی تے رہیر  
 ہوندے ناویں لائی میں حیاتی تمام اے

شاہینے بلوچ - پکالاڑاں

منگداں دُعاواں پل پل نیوے خدا مدینے  
 واپس ولانہ آنے رکھے خدا مدینے  
 پل دا دساہ وی کائی کل ہونووں یا نہ ہونووں  
 کر چاکرم خدایا جلدی پچھا مدینے!

اُونویں تاں عام سُنڈے ہر جاہ تے رب تعالیٰ  
 لیکن توجہ کرتے سُنڈے دُعا مدینے  
 میڈے گناہ باری، رو رو کر لیاں زاری  
 بھیندی ہے معاف یارو ہر ہک خطا مدینے  
 شاہین اے تمنا مولا کرے چا پوری!  
 گذرے عمر عرب و پچ آوے قضا مدینے

ساجد راجے رحیم یار خان

حق سین دی محبت دا ادا کون کر لسی  
 رب وانگ بھلا سین دی ثنا کون کر لسی  
 بیشک لوں نہ من شان انہاں دی اے ڈسا چا  
 ڈکھ دور تیڈے سین دے سوا کون کر لسی  
 کیتونہ جے تسلیم تاں محشر دے ڈیہاڑے  
 اُمت کیتے بخشش دی دُعا کون کر لسی

کھس سگدیں میڈے لب کنوں توں اسم محمدؐ  
 اے اسم میڈے من توں جدا کون کر لسی  
 دل وچ ہے میڈے راہی سدا ورد محمدؐ  
 سئیں پاچھ مہلا معاف خطا کون کر لسی

### ریاضے کاشف، فیض آباد

تیڈی سک ہے سڈا سوہنا میکوں ساہ داوساہ کائنی  
 تصور ہے مدینے دا میکوں ہیا کوئی پتہ کائنی  
 تیڈیں شانیں دیاں خود قسماں خدانے عرش تے چاٹن  
 ہکو حال ۽ ہکا گال ۽ تیڈی مرضی جدا کائنی  
 خدا والنور میں سوہنا اتھال اولائے بشر والا  
 تیڈا چہرہ ہے وجہ اللہ تیڈے وانگوں جمیا کائنی  
 قبر وچ سئیں وساریں نہ نکیر ۽ نہ سخت کیا ٹبے؟  
 تیڈے مدد تے میں بچ ویساں وسیلہ کوئی ہیا کائنی

تمنا ہے میڈی مولا نبھے زندگی مدینے وچ۔  
ایہا کاشف بھتوے پوری میڈی ہی کوئی دعا کا تھی

شفقت بزدار۔ لیہ

اے میڈے امی نبیٰ این ساڈی یاری ہووے  
نال پلکیں دے تیڈے در دی بہاری ہووے  
ایویں لگدا ہے جو کائنات دا مقروض، یہی  
تیڈی صلوة جے کہیں وقت دساری ہووے  
اپنے دیوانے کوں اتنا تاں غنی کر ڈے توں  
پیار تیڈے کنوں کوئی چیز نہ پیاری ہووے  
اتنی قربت ہے میڈے دل کوں بلال حبشی نال  
میں جیویں عمر اوندے نال گزاری ہووے  
اے خداوند توں بزدار کوں بنیانی ڈے!  
اکھیں بھالال نال محمد دی کچھاری ہووے

## ریاضے فاروقے بزدار

مست مویجہیں دے منہ زور طوفان وچ  
 آسرا ہے محمد تیبی ذات دا  
 میں بھلا میڈی ہستی ہے کیا میڈا سیں  
 بھی رکھدا شہور اپنی اوقات دا  
 سول صدے ستم سیک ساڑی ویندن  
 شالا منہ کرو نچے وقت خدمات دا  
 سک سلامت ہے ہر شام سچھ تیں تیبی  
 سانجھ کے رکھ ڈیو پارہیا ہر رات دا  
 اپنیاں پلکاں وچھاواں پچھاویں بٹا!  
 شرف تھیبی کڈاں دیدکوں جہات دا  
 من دے مسکن دیوچ بک مکین مست ہے  
 شوق رکھدے تہاڈی ملاقات دا

## مجبور عیسیٰ خیلوی

میگوں کول اپنے سدا کملی والے  
 میڈے دل دی حسرت مٹا کملی والے  
 کریں توں جہناں تے نظر جو کرم دی  
 ونجے تل انہاں توں قسم بدلی عزم دی  
 میڈے درد دی کردوا کملی والے  
 ڈکھا اپنی نگر می او دلدار رب دا  
 اسے آرزو وچ میں ڈینھ رات سہدا  
 ایہو آس دل دی پُجا کملی والے  
 میگوں رنگ اپنی محبت دے رنگ وچ  
 زلا میگوں اپنے پیاراں دے سنگ وچ  
 میگوں راہواں سدھیاں ڈکھا کملی والے  
 میڈے دل دی حسرت مٹا کملی والے

شالا ڈیکھے مجبور و نچ سوہنی چالی  
 تھیوے پوری حسرت میڈے روح والی  
 بکائے میڈی روح کوں لاکسی والے

عبدالکریم ناشادہ داخل

چو کھٹ تیڈی کعبہ میڈا سٹ پاک در کیڈے ونچاں  
 شانیں والا شاہ تازینں کامل نظر کیڈے ونچاں  
 مہر تول نہ گنڈھ کھول نہ عیباں دی پنڈ باری ڈے  
 مسیں میل تھئے وچ میل دے نہ کر حسرت کیڈے ونچاں  
 ہاں بے گنتی گنٹن نہ گنواے دست بستہ عرض ہے  
 ایں بے وفازندگی دا ہن پچھلا پہر کیڈے ونچاں  
 ہاں بے عمل نہ کوئی سمل سر بار آئے باری بہوں  
 سنیں دے مناوٹن دا میکوں نہ کوئی ار کیڈے ونچاں  
 شانیں والا شاہ تازینں کامل نظر کیڈے ونچاں

ناشاد ہے شاہِ خدا از لول تیدے ناویں تھیم!  
 لول رنج اتھاں آقا اگول کالی قبر کیدے ونجاں

عبداللہ یزدانی - ڈیرہ اسماعیل خان

جڈاں یاد تیدی داچن چڑھدے پلکاں تے تارے پل ویندن  
 تیدے ناں داورد کرینداں تا میڈے سارے ڈکھڑے ٹل ویندن  
 کتھ فرش زہیں کتھ عرش بریں کتھ قاب قوسین او ادنے  
 میڈا پاک نبی اتھ پنچا ہے جتھاں پر جبریل دے حل ویندن  
 سب جھولیاں بھر بھر ڈر ویندن اتھاں پتھروی بن ڈر ویندن  
 جیڑھے آذن این دروانے تے کون آہ کھالی دل ویندن  
 کوئی بیج مدینے لول مولا ارج بدلی اپنے ساون دی  
 میوکں بہہ بہہ تیاں دھپاں تے ایویں روز پچاویں ڈھل ویندن  
 میڈے لکھ درود سلام ہوون اول پاک نبی تے یزدانی  
 جیندو گھن سوغات دروداں دی جن انس ملک مرسل ویندن



## خادم حسینے مخفی ہے

کراں میں ناز کیوں نہ اول مسٹھ مدنی پیارے تے  
 رہائی مھتونی ہے ساڈی جنیدے ہک اشارے تے  
 میڈے دل وچ نہیں کوئی عثم لیتن میوں عربی تے  
 بھنور وچ بھاویں ہے پیری پچھسی خود کنارے تے  
 عمل نہیں کجھ میڈے پلے شرم توں سٹ تے سر تے  
 میں وی بیٹھا ہاں لچپالا فقط تیڈے اشارے تے  
 لگا مخفی کوں اورنگ زمانے دی عقل دنگ ۶  
 مھیا ہے فیض مدنی دا کیوں بندے ناکارے تے

## مغفور سعیدے - بہاولپور

مدنی سوہنا کرم کما  
 ہک واری چادر سڈوا  
 ہک ہے ڈاڈھی دلبر جانی دلڑی موکھی یار دیوانی

آسانوں آگل چالا  
 واری واری ہر کوئی جاوے ساڈی واری مول نہ آوے  
 پڈ پڈ ونچاں فالال پا  
 ڈیکھاں روضہ ساواتیڈا ایہو عرض ہے مولا میڈا  
 منگاں ایہا روز دُعا  
 تیڈی سوہنا مونجھتاوے ہک پل ساکوں چین نہ آوے  
 ونجے ایویں رات ویہا  
 لکھاں تیڈے بردے بانڈے تیڈے ناں دے گیت پے گاندے  
 تیں پن ہے مغفور کیا !  
 ہک واری چادر سڈوا

ظفر اقبال ظفر - ہری مائینر

ودار ونداں میں عرصے توں میڈیاں آساں پچا مولا  
 محمد پاک سوہنے دامیکوں روضہ ڈکھا مولا !

تو نے جیڑا گناہگاروں تیڈی رحمت کوئی تھوڑی نہیں  
 جیکر چھوین تاں پوراں کول قطب ڈیویں بٹامولا  
 جنیدی خاطر بنائی دنیا میں امتی ہوں نبی داہاں  
 توں صدقے ہوں محمد دے بخش میڈی خطامولا!  
 ظفر دی دل نہیں سہندی جدائی سوہنے محمدی  
 ہجر دی ماری شودی کول توں بڑے درشن کرامولا

بشیر دیوانہ - صادق آباد

محمد محمد کریندیں گذر سی  
 ایہو ورد ہر دم پکیندیں گذر سی  
 کڈاہیں تاں اوسی غریبیں دی واری  
 عمر ساری تانگھاں تنگھیندیں گذر سی  
 اوڈہینہ رب بڈکھاوے چھوں ونج تے چالی  
 سوہنا ساواروڑہ تکیندیں گذر سی

مدینے ڈے دیندی ہوئی ہر ہوا کوں  
 سدا دل دی رو رو ڈسیندیں گزری  
 قبر دے سوالیں دے ہر ہر جواب ۶۷  
 درود و صلواتاں سننڈیں گزری  
 حیاتی بچی ہے جو باقی دیوانہ  
 نبی سنیں دیاں نعتاں لکھنڈیں گزری

### ناطوقے نیازی - عیسیٰ خیل

لکھاں آساں اُمید اں داسہارا یا رسول اللہؐ  
 توں سب دنیا دے رشتاں توں ہیں پیارا یا رسول اللہؐ  
 میں ہر ویلے تڑپدا ہاں تے اٹھا اٹھرات کڈی نہیں  
 کیوں ہووے بناں تیبے گزارا یا رسول اللہؐ  
 نیکیاں کوں ماٹ عملاں دا عمل شمالا سدھے ہووون  
 کتھاں ویسی گناہگارا بے چارا یا رسول اللہؐ

میڈی آسماں اُمیدیاں دی اے پیری تیدے سنگ ترسی  
 بناں تیدے ناں لہجہ دا ہے کنار یا رسول اللہؐ  
 غریباں دا توں مونس ہیں تے مسکیناں دا رہبر ہیں  
 تے ناطق جہیں سیتماں دا سہارا یا رسول اللہؐ

اے بنی عاصم شاہ صدر دین

عقیدت دے پھل ہن جو لکدن پیارے محمدؐ، محمدؐ، محمدؐ  
 ایہو نام ڈیندا ہے دل کوں سہارے محمدؐ، محمدؐ، محمدؐ  
 جیوں آسماں تے اے چن تے ستارے  
 ایں توں ودھ زمیں تے مدینے والفتہ  
 مہٹا چن محمدؐ صحابہ ستارے

محمدؐ محمدؐ محمدؐ محمدؐ محمدؐ

محمدؐ دے ناں کوں دلوں پیارے کیتے  
 تے ارکیں تیں ہتھ کوں چن کار کیتے

جال تھیزوں ڈکھارے ڈکھی دل پکارے

محمد محمد، محمد محمد

صد اول کریندے تے ول دل اکھیندے

اول ہمدرد ہمد دیاں گالھیں کروں بہہ

ڈیوے سیت والے تے بہہ آکھوں سارے

محمد محمد، محمد محمد

ہے عاصم نما ناگناہ گار بندہ

تیڈے نام باجھوں نسی ماٹ تقویٰ

تیڈا نام گھن گھن کریندے گزارے

محمد محمد، محمد محمد

فیاض احمد زاہد راجن پور

پڑھو صلے علی یارو

ایہو پڑھدے خدا یارو

اتھال ہے نوردی بارش اتھال نوری نظار ہے  
گناہگار میں دامدنی سیں سہارا ہے سہارا ہے

ایہو بس آسرا یارو

جڈال آمد تھی جگ تے اندھارے دور تھیندے گئے  
لباں تے ذکر آیا تاں اے دل مسر تھیندے گئے

اے دردال دی دوا یارو

محبت کملی والے دی رکھی ہم سانجھ، سینے وچ  
اخیری آس ہے زاہد مکے زندگی مدینے وچ

ایہا بس التجبا یارو!



سکھیں دی سوغات کیا کر لیسے خوشی دی برسات کیا کر لیسے

جیکوں ملے مصطفیٰ داد امن اوتیڈی کائنات کیا کر لیسے

(امانے التدارشد)

## سید حفیظ کاظم - خان بلیہ

جنیدیں ڈکھا مدینہ آقا اے التجا ہے  
 منگتا ہاں تیڈے درد اکتی ایہا خدا ہے  
 تقدیر رب دی بدیں تیڈے اکوں کیا دیر ۶ !  
 قول لاڈلہ خدا دا عاشق تیڈا خدا ہے  
 اے تاں منیندا ہاں میں کتے گناہ پھوں ہم  
 کر چھوڑو معاف سوہنا بیڑھی تھئی خطا ہے  
 درتے سدا و میکوں زندگی تیں کجھ نہ منگساں  
 آقا قبول بھوے اے چھیکڑی دعا ہے  
 کہ وار مہر بانی آقا ضرور بھوے  
 کعبے دے سامنے آسجدے کراں ادا ہے  
 تیڈے بغیر ساڈا کاظم کوئی نی جگ تے  
 بے آسریں کوں سوہنا بس تیڈا آسرا ہے



بلائے باقر مہٹی - راجن پور

ایہا سنگداں دعا یا نبیؐ  
 اپنے درتے سڈا یا نبیؐ  
 واسطہ اپنیں پیاریں دا ہی!  
 پیاریں تے چار یاریں دا ہی  
 ساڈے ڈکھڑے مٹا یا نبیؐ  
 مونجھے من دی سئیں کاری چاکر  
 نہ سکا ہن ڈکھا اپٹا در  
 میڈیاں مونجھال مٹا یا نبیؐ  
 ایہو باتر ارادہ ہے سئیں  
 اوساں رو فے تے وعدہ ہے سئیں  
 تھیوے وعدہ ونا یا نبیؐ



# سِکِ مِتراں دی

نعتیہ کلام



پہلا ایڈیشن

مترجم: احسان اعوان